

Sier Piero Contarini, <i>quondam</i> sier Zuane, da San Patriniam, . . . . .	58 . . . . .
Sier Zacaria Contarini, el cavalier, fo savio a terra ferma, . . . . .	93 . . . . .
Sier Andrea Trivixam, el cavalier, fo podestà a Vicenza, <i>quondam</i> sier Tomà, procurator, . . . . .	78 . . . . .
Sier Marco Minio, è provedador sora i daeij, di sier Bartolo, . . . . .	57 . . . . .
Sier Lorenzo Venier, el dotor, <i>quon- dam</i> sier Marin, procurator, . . . . .	33 . . . . .
Non. Sier Hironimo Contarini, fo podestà e capetanio a Trevixo, <i>quondam</i> sier Bertuzi, procurator, . . . . .	

62 È da saper, in questo pregadi fu posto, per li savij, far uno orator a Roma, in loco di sier Antonio Zustignan, dotor; e sier Zorzi Emo, savio di terra ferma, messe de indusiar. Et parlò contra la indusia sier Domenego di Prioli, cataver; et poi fo infilzato da sier Polo Pixani, el cavalier, savio dil consejo; li rispose sier Zorzi Emo; *demum* parlò sier Hironimo Donado, el dotor, eleto *etiam* orator a Roma. Andò le parte, e di pocho fu preso di farlo.

Fu posto, per alcuni savij, far uno capetanio in Arzipielago con 5 galie *etc.* Sier Zorzi Emo parlò contra; li rispose sier Alvixe Malipiero, savio a terra ferma; poi sier Hironimo Capello; et sier Polo Barbo, procurator, andò per parlar, e fo rimessa.

È da saper, eri fo fato cai di X, dil mexe di april, sier Piero Morexini, sier Antonio Loredan, el cavalier, e sier Pollo Capelo, el cavalier. E volendo sier Marco Sanudo, era cao di X, andar in consejo di X, achadete che li vene uno accidente a la riva, che andò in angosa, pur volve andar suso et andò, ma convene ritornar a casa, andoe in lecto et più non levò fino che 'l non morite.

*A dì 30.* La matina il principe fo, *de more*, a San Zuminian. Portò la spada sier Marin da Molin, va podestà e capetanio a Civald di Belum; fo suo compagno sier Zuan Alvise Duodo. Da poi disnar fo gran consejo. Et Jo, vestito di veludo cremesin, fui in electione, et il principe *publice*, con li consieri, mi tochò la man. Avì avochato grandò, incanbiai per avogador di comun, e tulssi sier Alvixe Mozenigo, el cavalier, per esser stato mio collega savio ai ordeni; rimase sier Marin Zorzi, dotor, fo savio a terra ferma.

*A dì 31, luni.* Fu fato la solenità di la festa di la Nostra Dona, perchè a dì 25, per le feste di Pasqua, non si potè celebrar tal solemnità. E poi disnar

a San Marco predichò frate Egidio di San Stephano, e pregò la Signoria provedesse a le biasteme, e predichò di la Nostra Dona, sentado. È da saper, era con il principe il legato dil papa, ritornato di Ferara, e pochè stete, che andò a Roma a ripatriar. *Item*, pre' Lucha, orator cesareo, ritornato di Alemagna, l' orator Laschari di Franza, et uno orator anconitano, nominato domino . . . . ., et il Zane, arziepiscopo di Spalato. Poi vespero il colegio si reduse a lezer letere.

*A dì 26.* Fono deputadi, per colegio, V di colegio, ad andar a partir, tra quelli di colegio, il presente dil soldan, apar in *notatorio* XXX zoè: sier Francesco Barbarigo, consier, sier Jacomo Moro, cao di 40, sier Domenego Marin, savio dil consejo, sier Zorzi Emo, savio a terra ferma, et sier Michiel Morexini, savio ai ordeni.

Nota, a dì 17 di questo mexe di marzo, per sier 62\* Domenego Malipiero, provedador a Rimano, di ordine dil senato, justo lo acordo fato con papa Julio, fo consignà questi lochi in Romagna a domino Zuane Ruffo, comesario apostolico, notadi qui soto:

Montefior.

Veruchio.

Santo Archanzolo.

Savignano.

Gathea.

Il Porto Cesenatico.

#### *Dil mexe di april 1505.*

63

*A dì primo april.* Fo pregadi, per sier Antonio Condolmer, *olim* synico in Cypro, per menar sier Nicolò di Prioli, fo capetanio a Famagosta e luogo tenente in Cypro, per lui intromesso et preso di retenir; e fo dato principio a lezer le scritture.

*A dì 2. Etiam* pregadi. Compito di lezer, el synico andò in renga, e li fè 7 opposition: la prima, di la disobedia di non aver mandato formenti in questa terra.

*A dì 3. Etiam* pregadi per questo; e parlò sui panni d' oro, mandati per presentar al soldan, et su le fabriche.

*A dì 4. Etiam* pregadi, per el ditto, sopra queste opposition.

*A dì 5.* Fo consejo di X. Et fato vize cao, in loco, di sier Piero Morexini, è amalato, sier Polo Trivixam, el cavalier.

*A dì 6.* Fu gran consejo. Fato governador de l' Intrade sier Zuan Venier, è di la zonta, *quondam*